

Jonde Quraŋ 3 Jonji Quraŋine ruame 3 fukeya. Mimitaniŋ

Biŋe Quraŋ yoore rau iŋoji iŋoyoŋunde tina “Minebobo mo,” miya. Iŋoji Quraŋ oi maŋkekerisie kufufuŋ more minebobo mo tinaine Gaius iŋore ruaya. Gaiusji maŋkekerisie ŋiŋigo goine pi eru uŋo munjaŋ yaji bapi yaberu goya. Ore eru oi miteŋ gateya eru mamboiŋ ŋi mo tinaine Diotrefes iŋore siŋaŋbobo buŋo miya.

Buk yoore mobe qoruine 5 oi iŋi:

Buŋo fuŋfuŋgaine 1-4

Jonji Gaius miteŋ gaga 5-8

Diotrefesre siŋaŋbobo buŋo 9-10

Demitriusre jeri buŋo 11-12

Buk yoore buŋo koruŋ qoruine 13-15

¹ O yoro ogone Gaius, nonji minebobo mo fukeru goke buŋo mimane enimi ore foru quraŋ quraŋgago. Nonji buŋo foriinere so maŋneji jojoko egareru gogo.*

² O yoro ogone, gore iiruŋi Anutuke qakatoru fiame goge, oi manego. Oŋuakoŋ saki garigari goku ya sosowo oo touŋmoriri bofukeru gomiŋ ore Anutu oŋga wosigo. ³ Maŋkekerisie ogop-unoŋuŋ goineji goreone wareru gore sundu iŋi kitiŋgaku najibi, “Goji Anuturo buŋo foriine oi damaŋ so boyoberu eba eku goge.” Oŋu najibi

* **1:1:** Apo 19.29; Rom 16.23; 1 Kor 1.14

manebe jeribari soguine kesosoe nareya. ⁴ Nonde kokopuji Anuture buño foriine boyoberu eba eku gogobi, nonji biñe oñuine maneru mokemoke yobu jerieego. Biñe furuine moji jeribari ropekiine oi so odureko manego. Oñu.

Jonji siñañ ñi tinaine Gaius miteñ gaga.

⁵ O yoro ogone, go mañkekerisie ogopunoñuñ kiñañ qa yareku oo damañ so dimaku goege. Yoñoreone goineji kae roregaru ñoñoreo wareegobi, oi ñonemañ eyareege. Mane yarege me mata, oi jibu fiine akonñ bapi yabeege.

⁶ Go mañgoji jojoko eyareru gomeñ, yoñoreone goineji yoo wareru mamanesiñ kubure jiño maio funego oñu kitiñgaku mibi manebey. Ore eru ogopunoñuñ oñuineji ñoñoreo warenimiñ, oi bapi yaberu gokande soine afagaru gio baku kadiyañuñ jikigaru ranimiñ. Gio oñuine oi Anuture jiño maio sagaiñ ore so jikigaru baku goigonñ. ⁷ Yoñoji Kristore biñe fukegobi ore eru yoñoyañunde kae bokeru roregaru tinabiñeine misaueegobi. Gio oñu baku mañkekerisiere yaura ñiñigo yoñoreone uqo munjañ ya mo so sabareru roegobi. ⁸ Ore eru Yesure ogopuine niñonone akonñ ogopunoñuñ oñuine oi keporeru kitiñga yabebi sagaiñ. Nonñuñ gio mobeine oi baku oiji buño foriinere Rau moko kiñañ qa tebenenñ buñoine foriineji saueeiñ. Oñu.

Diotrefes oñuine egu fukeminde siñañbobo buño

⁹ Nonji mamanesiñ kubu yoñore qurañ mo qurañgabonyonñ, Diotrefes minebobo ñi iñoji botuñañuño siñañ qoruine goinde anji manega,

injoji buñonere kaje so ruaru keta eega. ¹⁰ Ore eru nonji ñonjoreo warenobo ine, injore eebobo sembene oi totogo mibe inji manenimiñ: Injoji niñore ñadiqoqo buño miku kekoigaru kisongaru miega eru buño akonj so miega. Matayonj, manjekerisie ogopunoñunj kae orunj gio baegobi, injoji oi so kepore yareega eru ogopunoñunj goineji kepore yarenimiñgo manegobi, injoji oi sabare yareru mamananiñ kubuyanunjgone ketunj yabeko sakibe wakiegobi.

¹¹ O yoro ogone, go eebobo sembene matayonj, eebobo fine oi boyoberu goigonj. Uri yonjoji eebobo fine eba eku gogobi, yonjoji Anuture odumade fukegobi. Uri yonjoji eebobo sembene eba eku gogobi, yonjoji Anuture funje so mane mukuru sa sakiineo gogobi.

¹² Demitrius ñi injore funje oi fine. Ogopunoñunj sosowoji onju miegobi. Buño foriinere Rau injoyone buño oi onjuakonj kitiñgaku miega eru niñoji jikigaru injore buño sogokonj miegobeneñ. Niñoji buño miegobeneñ, oi buño foriine yobu fukega, oi manege. Onju.

Momojo buño tatariine

¹³ Nonji gore buño boakonj qurañgabeminde anji manegoyonj, oi kirifi eru inñji qurañga garebeminde so onju so maneru bokego. ¹⁴ Nonji pipa goreo wareru ñone gubemiñgo odigaru origago. Qoturekiminj, damanj oo soine jiño mai nadunjadunj eru buño buño mimane ekiminj.

¹⁵ Anutuji womo gareko goigonj!

Manjekerisie ogopunoñunj yoo gogobi, yonjoji momojoyanunj ruabi goreo foga. Goji onjuakonj

mankekerisie ogopunoṅun goke dimagobi, oi
bubu nonde momojo yajinde manenimiṅ. Waigo!

**Mankekerisiere Bine Quran Jojofa Gariine
The New Testament in the Mape Language of Papua
New Guinea**

Nupela Testamen long tokples Mape long Niugini

Copyright © 2008 The Bible Society of Papua New Guinea

Language: Mape

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-24

PDF generated using Haiola and XeLaTeX on 21 Feb 2024 from source files dated 31 Aug 2023

8278cae8-b7ff-5cfb-8118-7ef9b429ffd9